

Հաս 31,800 դահեկան . զայս ամենայն գրեալ ծանուցին առ իշխանաւորս ազգին 'ի Կոստանդինուպօլիս » : Երկիւղ մեծ էր վասն յառաջակայ տարւոյն , որոյ վասն խնդրէին բաժանել զերկիրն յիշխանութենէ Դամասկոսի , եւ կարգել զերկուս ձողաւորս 20 դրօշակօք 'ի սահալանութիւն երկրին , ապա թէ ոչ՝ անհնարին է ասեն մնալ մեզ աստ . պատրաստեցէք մեզ վանս , այսքանս սակաւուք գրեցաք . զի չէր կարելի զրոյնդական գրել , ժակեալ կամք 'ի խուցս եւ յեկեղեցիս , հաց դառնութեան եւ ջուր արտասուաց , Տէր այց արասցէ , (1760 . 'ի 13 Մայիսի) :

Ապա գրեն յառանձին թղթի զհաշիւ տարեկան տրոց , զոր ետուն Կուսակալին Դամասկոսի , որոյ ամբողջ գումարն է 41,229 դահեկան . թող զայլս որ 'ի ձեռն թարգմանին , յորս զարմանալի է հազար ոսկի գումարն ծախք ոստիկանի . զի ստիպէր Բդեշխն առաքել զմիաբանս 'ի Բեթղէհէմ , յորմէ վախուցեալ էին . սոքա անկարելի ասէին երթալ անդ յահէ գիւղականաց . ապա ասէ , թէ երթիցեն եւ թէ ոչ , պարտիք հատուցանել զվարձս ոստիկանին , ըստ օրինակի Յունաց եւ Լատինաց :

Ալէքսանդր Կաթողիկոս յառաջ դասեաց զգանձանակն Ս . Էջմիածնի քան զգանձանակն Ս . Երուսաղէմի՝ յեկեղեցիս , զնոյն արարին եւ Նուիրակունք նորին 'ի տեղիս տեղիս . լուեալ զայսոսիկ թէ ողորոս Պատրիարքի գրեաց առ Յակոբ Պատրիարք եւ առ իշխանազունս ազգին , տալ բառնալ զայնպիսի նորասահման սովորութիւն , եւ չլինիլ առիթ մնասուց Աթոռոյն Երուսաղէմի յայնպիսի դառն ժամանակի . եւ մի ստիպել կարգել զոք Նուիրակ 'ի կողմանէ Երուսաղէմի , որ չիցէ միաբան նմին . եւ մի ընկալցին զգիրս այլոց եւ հաւատասցեն նմա , որ չիցէ կնքեալ 'ի Պատրիարքէն եւ 'ի Խորհրդականաց Երուսաղէմի . զի գլխաւոր խանգարումն Ս . Աթոռոյն յայսպիսի իրաց պատճառի :

Ի ամին ամի պատահեցաւ երկրաշարժ եւ առատութիւն անձրեւաց , յորոց խախտեցան բազում տեղիք վանօրէից , մանաւանդ 'ի Բեթղէհէմ : Հայք առին հրաման յՕսման Փաշա Կուսակալէն Դամասկոսի , եւ նորոգեցին զպարիսպն եւ զապտիճանս եւ զայլ տեղիս Բեթղէհէմի վանաց (1761) :

Թէպէտ որոս Պատրիարք հասեալ 'ի խոր ծերութիւն , եւ